



Broj: 09-02-17271-3/15
Zenica, 28.10.2015.god

Ministarstvo za rad, socijalnu politiku i izbjeglice Zeničko-dobojskog kantona, rješavajući po zahtjevu Nezavisnog strukovnog sindikata radnika u zdravstvu u Federaciji BiH Kantonalna organizacija Zeničko-dobojskog kantona, sa sjedištem na adresi Bulevar Kralja Tvrtka br. 4, Zenica, u postupku utvrđivanja reprezentativnosti sindikata na području kantona, na osnovu člana 130. stav 4. Zakona o radu ("Službene novine Federacije Bosne i Hercegovine", broj: 62/15) i člana 200. stav 1. Zakona o upravnom postupku ("Službene novine Federacije BiH", broj: 2/98 i 43/99), d o n o s i

R J E Š E N J E
o utvrđivanju reprezentativnosti sindikata
za područje zdravstvene djelatnosti

1. Utvrđuje se da je Nezavisni strukovni sindikat radnika u zdravstvu u Federaciji BiH Kantonalna organizacija Zeničko-dobojskog kantona reprezentativni sindikat za područje Zeničko-dobojskog kantona.

2. Nezavisni strukovni sindikat radnika u zdravstvu u Federaciji BiH Kantonalna organizacija Zeničko-dobojskog kantona, je organizacioni dio Nezavisnog strukovnog sindikata radnika u zdravstvu u Federaciji BiH i kao reprezentativni sindikat će:

- zastupati svoje članove pred poslodavcem, organima vlasti, udruženjima poslodavaca, drugim institucijama i pravnim licima, u skladu sa pravilima o organiziranju i djelovanju sindikata;

- kolektivno pregovarati i zaključivati kolektivne ugovore;

- učestvovati u radu tijela sastavljenih od predstavnika organa vlasti, udruženja poslodavaca i sindikata

3. Ovo Rješenje objavit će se u „Službenim novinama Zeničko-dobojskog kantona“.

O b r a z l o ž e n j e

Nezavisni strukovni sindikat radnika u zdravstvu u Federaciji BiH Kantonalna organizacija Zeničko-dobojskog kantona obratio se Ministarstvu za rad, socijalnu politiku i izbjeglice Zeničko-dobojskog kantona zahtjevom broj: 09-02-17271/15 od 18.09.2015. godine za utvrđivanjem reprezentativnosti sindikata.

Uz zahtjev je priložena sljedeća dokumentacija:

1. Ovjereni kopiji Rješenja Federalnog ministarstva pravde broj: 04-05-2-231/06 od 06.01.2015. godine, kao dokaz da je Nezavisni strukovni sindikat radnika zaposlenih u zdravstvu u Federaciji BiH registrovan kod nadležnog organa.

2. Rješenje Federalnog ministarstva rada i socijalne politike o utvrđivanju reprezentativnosti Nezavisnog strukovnog sindikata radnika u zdravstvu u Federaciji BiH broj:UPI 03-34/13-19/15 od 23.09.2015. godine.

3. Potvrda Nezavisnog strukovnog sindikata radnika zaposlenih u zdravstvu u Federaciji BiH da je Kantonalna organizacija Nezavisni sindikat Zeničko-dobojskog kantona organizacioni dio tog sindikata.

4. Izvodi sa transakcijskog računa broj: 134-010-00002011-04, kod Investiciono komercijalne banke d.d. Zenica, i to: izvod br. 74 od 11.08.2015. godine, izvod br. 76 od 13.08.2015. godine, izvod br. 77 od 17.08.2015. godine, izvod br. 78 od 18.08.2015. godine, izvod br. 79 od 19.08.2015. godine, izvod br. 80 od 21.08.2015. godine, kao dokazi o finansiranju.

Ministarstvo zdravstva je na službeni zahtjev Ministarstva za rad, socijalnu politiku i izbjeglice Zeničko-dobojskog kantona dostavilo podatke o broju zaposlenih radnika u djelatnosti zdravstva na području Zeničko-dobojskog kantona. Ministarstva za rad, socijalnu politiku i izbjeglice je činjenicu o broju članova sindikata utvrdilo na osnovu potpisanog i ovjerenog zahtjeva predsjednika sindikata Esada Hasaničevića.

S obzirom da je broj članova Sindikata 2.205, a broja zaposlenih radnika u javnim ustanovama iz oblasti zdravstva na području Zeničko-dobojskog kantona 3.711 nesporna je činjenica da Sindikat ima preko 30% članova, te je shodno Zakonu o radu („Službene novine Federacije Bosne i Hercegovine,“ broj: 62/15) ispunjen uvjet iz člana 124.

Dakle, Nezavisni strukovni sindikat radnika u zdravstvu u Federaciji BiH Kantonalna organizacija Zeničko-dobojskog kantona na osnovu naprijed utvrđenog činjeničnog stanja ispunjava uvjete iz člana 122. Zakona o radu, pa je odlučeno kao u izreci ovog Rješenja.

POUKA O PRAVNOM LIJEKU: Rješenje Ministarstva je konačno i protiv istog rješenja može se tužbom pokrenuti upravni spor kod nadležnog suda u roku od 30 dana od dana prijema istog.

Dostavljeno:

- 1x Naslov
- 1x Službene novine ZDK - uredništvo
- 1x Evidencija
- 1x a/a



MINISTAR

[Signature]
Murdehan Šahinović